



Broj: 04-32-2916-1/18
Datum: 9.10.2018. god.

Predmet: Poziv na saradnju

Poštovani,

Vi ste jedan od poslodavaca – odabranih učesnika u projektu Ispitivanje tržišta rada – anketiranje poslodavaca 2018/2019, koji realizujemo već dugi niz godina.

Prikupljeni podaci služe kao podloga za izradu analize postojeće strukture zaposlenosti, s ocjenom mogućnosti zapošljavanja u narednom periodu.

Istraživanje bi se trebalo provesti u periodu od **15.10.2018.** do **25.10.2018.** godine, a isto se provodi pomoću ankete na slučajnom uzorku poslodavca koji zapošljava 5 i više radnika, a registrovani su na području ovog Kantona.

U narednim danima će Vas kontaktirati naši šefovi biroa i zamoliti da odgovorite na pitanja iz ankete, a pitanja u anketi su uglavnom s ponuđenim odgovorom, među kojima Vi birate onaj koji je najbliži Vašem mišljenju.

Posebno naglašavamo da je ova anketa potpuno anonimna, a ista je jako kratka i ne bi trebala trajati duže od 20 minuta.

Upitnici služe za:

- provedbu profesionalne orijentacije,
- planiranje upisne politike u školama i fakultetima,
- organizovanje stručne pripreme, prekvalifikacije nezaposlenih,
- zbrinjavanje viška zaposlenih, mogućnost zapošljavanja invalida,
- informisanje nezaposlenih o mogućnostima konkretnog zaposlenja.

Dosadašnja istraživanja su, pored određenih manjkavosti, pokazala svoju opravdanost, pa smo stoga planirali istraživanje i za 2018/2019. godinu.

S obzirom da planiramo vršiti dodjelu bespovratnih sredstava za poticanje zapošljavanja i u 2018/2019. godini poslodavcima, kroz implementaciju programa za zapošljavanje, shodno finansijskim mogućnostima i u saradnji sa Federalnim Zavodom za zapošljavanje, u tom smislu molimo da iskažete Vaše eventualne potrebe za radnom snagom, kao i potrebe za eventualnim prekvalifikacijama, stručnoj obuci i slično.

Stoga se nadamo da ćete i Vi učestvovati u ovoj našoj anketi i to na taj način što ćete omogućiti našim anketarima uvid u podatke koji su navedeni u anketnom listu, a sva pitanja u vezi ove ankete možete uputiti na našu Službu, kontakt osobi Miroslav Stapić (kontakt telefon: 030 511-942).

Posebno napominjemo da podaci služe samo za istraživanje i iz njih ne proistječu nikakve druge obaveze.

S poštovanjem,

zamjenik ravnatelja
Marinko Krajina, dipl. ing.

direktor
Željko Lončar, dipl.oec.

